

## КРЫМСА „АРТЕК“ ПИОНЕРСКЯИ ЛАГЕРЬСА ВАЙМОСИ ИСПАНСКЯИ ИДЬТНЕНЬ

### Сталин ялгати приветствиясна

Мировой пролетариатонь дорогой и кельгема вождьсь  
и отець СТАЛИН ялгась!

Ся пингть, мзярда минь дорогой родинаньке Испаниясь фатяф войнань ужасса, конанц навязали и спровоцировали Германияста и Италияста фашисттне-интервенттне, мзярда минь алянйке и брадоньке тюрхть минь народонькеня свободанц и независимостенц инкса, минь, испанскяй идень группася, комац ускф Тонь личной инициативаень коряс гостеприимнай и чудеснай Советскяй Союзи, курок смогли юкстамс сят ужаснень и страданиятнень, конатнень тиезень тейнек войнась.

Ниле кофт минь ащемя известнай „Артек“ пионерскяй лагерьса, Крымть живописнай уженясонза Чернай морять берягса.

Эряфоньке минь йотнесь кода йофкса: минь кружафтама любовьса и ласкаса, минь физически кемекстама и правондама и сатомя культурнай и полезнай лама навькт: тонадомя налкхсемя волейболса, городкаса, занимається физкультураса, изучали винтовкоть, противогазть, тонадомя ляченьдемя, васеньце медицинскяй лезксонь макссемя. Кочксемя кевнянь, растениянь, насекомаень коллекцият, тонадомя технический кружокса работама, сядонга кельгескь различнай авиамоделень тиеньдемять. Минь эрямя тя пингста стания, кода мзярдонга ащемя арьсекшня. Сотнемя нежнай и теснай дружба советскяй пионерхнень мархта. Синь мархтост марса йотафтома лама экскурсият, походт Крымть интереснай востонзонды.

Минь мечтаем сянь колга, кода карматама Москуса пяк и прилежнайста тонафнемя. Минь верондатама, што можем приобшиться прокс од культурати, што минь сатветяма стама знаният конат аноклайхть минь эздонок сембе трудяйхнень свободаснон и счастьеснон инкса кеме борецт.

Минь содасаскь, што эздонок ламоц минь странасонк войнать сюнеда прокс афграмотнайхть и малокультурнайхть, но тьяни минь тя аф эвфнесамазь, сяс мес минь ащетама сембе миронь рабочайхнень Родинаса, кося сембе тейнек лездыхть и кельгсамазь минь.

Минь благодарностеньке Тейть сембеть сянь инкса, мезе тиеньдеви минь странанькеня и минь, идьтнень инкса, беспредельнай, и минь ширьденк кода единственнай ответ, минь макссетама Тейть торжественнай обещаия, што карматама цебарьста тонафнемя и што минь поведенияньке и дисциплинаньке ули безупречнай.

Минь ули фкя желанианьке, фкя мечтаньке, тя няемс Тонь, штоба лична пачфтемс Тейть сембе ся „признательность“, ковац эряй минь седисонк.

Минь аделасаскь эсь сьорманькеня тяфтама валса:

Шумбра улезь минь алянйке и другоньке Сталин ялгась!

### Тонафнесазь Верховнай Совету выборхнень йотафтомаснон колга Положениять

Каганович ялгать лемса колхозса колхозникнень йоткса цебарьста организовадаф Верховнай Совету выборхнень йотафтомаснон колга Положениять тонафнемац.

Эрь звенати кемекстаф агитатор, конац регулярнайста йотафти Верховнай Совету выборхнень йотафтомаснон колга читкат и беседат.

Тя работать ладяманцты оцю лезкс макссть МКСХШ-нь студенттне Ципляков и Аюшев ялгатне.

Цебарьста ладяф культмасовой работась колхозникнень-

ди макссь оцю лезкс эсь пингстонза и цебарь качества мархта урядамс паксяста сьоротнень.

Жаткаса лядихне Пенков И. и Малов ялгатне эрь сме-нати нормаснон пашкодькшнесь 175-180 процентс и цебарь качества мархта.

Сембе колхозникнень йоткса кемекстаф соцсоревнованиянь договорхт.

П. Афтайкин.

Ковылкина п.н.



Великай Пролетарскяй революциянь 20-це годовщинасть лемса автопробегсь.

СНИМКАСА: Г. И. Гордеев техноруксь пробегта инголе аноклай шинаса давлениять.

Фотось Сабельниковонь (Союзфотос).

ВЛКСМ-нь обкомти

## Сьорма „Артекста“

Августть 18-це шистонза по-лучань тинь эздонтт сьорма, конанц инкса азан ВЛКСМ-нь обкомть сембе работниконзонды седи ваксань пара вал.

Курок меки кярмодян отличнайста тонафнемати, и надьян, што мон аф васькафть-тядязь, тяддень кизотьке карман тонафнемя аныцек отличнайста. Мон надьян, што отличнайста тонафнемя инкса кармайтхть тюрема эрь пионерсь, а сембеда пяк сят пионерхне, кона ваймасть „Артекса“.

Минь тьяни лац содатама фкя-фкянь и ознакомились окружающей обстановкоть мархта.

Августть 18-це шистонза обедта меле якама республиканскяй Испаниянь пионерхнень прважама. Сембе минь лагереньке строявсь шоссейнай кить кафцке бокованза. Кить кафцке бокованза ульсть озафневь панчфть и валомня фкя-фкянь мельга мольсть 6 автобуст, ня автобуснень эса станцияв мольсть испанскяй пионерхне и синь важатайсна, конат прважазь испанскяй идьтнень Москуву. Испанскяй пионерхненьди минь каземя лама панчфти и лия подаркада, ко-

да альбомт, книгат. Фкя валса азомс, Испанскяй пионерхнень прважайнек пяк цебарьста.

Мон тьяса ня 20 шити пяк цебарьста ваймян. Сталмозе прибавась 2 кг. 600 гр. Колясь и Володясь станияжа цебарьста поправились. Сембе эсь прянькеня чувствуем цебарьста. Настроенияньке сембень цебарь, бодрый. Августть 24-це шистонза тьяса минь ули организовандаф спартакиада, а лагерьнай сменать аделамдонза меле ули организовандаф кастер. Спартакиадати и кастерти ушедоме ни аноклама.

Коллекцият и гербарият мон ушедонь ни кочксемя.

Тьяни минь аноклатама ГСО-нь значоконьди нормань максомати. Надьян, што норматнень макссайне и Мордовияв саян значек мархта.

Минь якама горнай озерати и тиеньдемя поход Аюдал пандтти. Тяфтама туристскяй походтт нингя аф кржа тихтяма.

Пара вал Колять и Володять эзда.

Романова. М.

Крым „Артек“.



## Выдвигать пионервожатайкс грамотнай, провереннай комсомолецт

Йотай кизонь практикась няфтезе, што ВЛКСМ-нь обкомть пионеротделоц и райкомонь пионеротделхне пионервожатаенъ кочкаманъ кизефксса ашестъ занимакшнесь.

Практикась станя жа няфтезя, што ВЛКСМ-нь обкомсь и комсомолонь райкомтне пионервожатаенъ кадранъ кочкаманъ кизефксса занимакшнесь снярда, мзярда ушедкшнесь од учебнай кизосъ.

Тяфтама аф ярашты практикась вяти тоза, што лама пионерский отрядтне школава занятиянень ушедомдот меле иляткшнесь 3—4 кофт пионервожатайфтома.

Сят комсомолонь райкомтне, конат эсь пингстонза ушедсть занимакшнесь пионервожатаенъ кочкаманъ кизефксть мархта, ня районтнень эса васень учебнай шитнень пингста пионеротрядтне ушедсазъ синьденъ нормальной работаснон.

Аф калдывста работай тя тевса Игнатовский ВЛКСМ-нь райкомсь (райкомть пионеротделонь заведующаец Сазонов ялгась). Сембец районца лувондови 57 пионеротрядт, конат тячнень шить самс обеспечендафт вожатайса. Кочкуровский районца сембе пионерский организациятне обеспечендафт вожатайса. Комсомолонь райкомсь пионервожатайкс одс кемокстасъ 17 самай активнай, политически грамотнай комсомолецт.

Улихть и тяфтама райкомт, кода Саранск ошень комсомолонь горкомсь (пионеротделть заведующаец Васин ялгась), Кадошкинань комсомолонь райкомсь (пионеротделонь заведующайсь Кокина ялгась), Шайговань комсомолонь райкомсь (пионеротделонь заведующайсь Алямкина ялгась), конат ашезъ лув тя ответственной работай эрявиксоньди. Нат райкомтне тячимс пионервожатаенъ кочкаманъ кизефксти ашестъ кярмодь.

Пингсь нингя саты, штоба петемс нолдаф эльбяткшнень и оперативна кярмодемс пионервожатаенъ кадранъ кочкамат.

Эряви пионервожатайкс выдвигать инъ грамотнай, провереннай комсомолонь члентнень, конат ба эсь инициативаснон и примерснон мархта ладялезъ пионерский работать.

Коде правила, эряви эрь пионервожатайкс кемекстамс ВЛКСМ-нь райкомть бюросонза. Тя максъ возможность проверямс эрь вожатайть, сонъ деловой качестванзон, максъ возможность кочкамс пионервожатайкс стама комсомолецт, конат преданнайхть Ленинонъ Сталинонъ партиянцы. Эряви пяхоня ваномс, штоба разоблачить враждебнай элементнень, конат попытаются улемс вожатайкс и сяземс пионерхнень воспитанияснон.

Башка мьяль эряви шарфнемс сянъ инкса, штоба регулярнайста йотафнемс пионервожатайхнень йоткса семинархт.

Эряви учебнай кизотъ ушедомдонза инголе йотафтомс семинархт Сталин ялгать докладонц и заключительнай валонц коряс, конатнень азозень сон ВКП(б)-нь ЦК-ть февральский пленумсонза. Эряви пионервожатайхненьди подробнайста азондомс ВЛКСМ-нь ЦК-ть II-це и III-це пленумсонзон решениянзон. Эряви йотафтомс вожатайхнень йоткса лекцият антирелигиознай теманъ коряс.

Семинархнень йотафтомаснонды эрявихть привлечь квалифицированный педагогт и партийно-комсомольский активсь.

Эряви азомс, што кой-кона ВКП(б)-нь райкомтне йофсикс аф шарфнихть мьяль сянды, штоба обеспечендамс пионерский отрядтнень провереннай кадраса. Парани путомс тя безобразият пе. Эряви, штоба пионерский организациятнень обеспечендамс провереннай кадраса, конат-ба путолезъ сембе вийснон пионерхнень и школьникнень воспитанияснонды.

Вл. Бабицкий.

## Аноклайхть международнай юношеский шить йотафтоманцы

Стройтрестонь комсомольский организациясь йотафни оцю анокламанъ работа Международнай Юношеский Шить Йотафтоманцы. Эрь комсомолецсь сязсъ обязательства сянъ инкса, штоба нингя сядя пяхкепедемс революционной бдительности, тонафнемс Сталин ялгать докладонц и заключительнай валонц, конанъ азозе сон ВКП(б)-нь ЦК-ть февральский пленумсонза и пленумть решениянзон.

Писмов ялгась сязсъ обязательства сянъ инкса, штоба рабочайхнень йоткса тонафнемс Верховнай Совету выборхнень йотафтомаснон колга положеннят.

Тяда башка, комсомолецне обяжали комсортгъ, штоба комсомольский политшколаса занятиянень аф сязендемс, йотафнемс ВЛКСМ-нь ЦК-ть омбоце пленумонц решениянзон коряс.

Ч.н.

Саранск ош

## Карпунинць ударник

Самодуровка велеса Шубриков ялгать лемса колхозса 56 кизоса атысь. И. Карпунин ялгась работай пяхчестнайста и добросовестнайста. Сон шинъ норманц пяхкодькшнесы 2—3 крда. Эрь шиня сон уски фкя алашаса 90 крестецт розъ.

Карпунин ялгась азондкшнесы колхозникненьди цебарьста работамать пользанц. Вдь цебарь работасъ канды польза анычек колхозти и колхозникненьди.

Алексей атя корхтай: «Эряви работамс колхозса честнайста, добросовестнайста и цебарь качества мархта, анычек тяфта работазъ минъ тихтяма зажиточнай эряф».

А. И. Карпунинць ламоксть азондкшнесы спасибо минъ вожденькенъди Сталин ялгати, конац максъ Советский народти радостнай эряф.

Аношкин.  
Поляков.

Ковылкинань р-н.



СНИМКАСА: „Гигант“ колхозонь (Саранский р-н) видьмень ускись В. Шавораков ялгась тракторнай саялкатай видемс росьт.  
Фотось ВЕРЕТЕННИКОВТЬ.

## Культомассовой работасъ ладяф цебарьста

Булдыгина велеса Киров ялгать лемса колхозса сьоронъ урядайхнень йоткса цебарьста ладяф культомассовой работасъ.

Колхозса сембец ниле бригадат, и сембе бригадатне нолнихть стenanъ газетат. Обеденнай перерывста тиеньдихть громкай читкат.

Тя тевти оцю лезкс максси велень советсь. Колхозницатне и колхозникне просветительнай работать васьфнесазъ пара мьяльса.

Культомассовой работать ладяманцы лезды школанъ заведующайсь Муромжевсь и комсортгсь Баранов ялгась.

В. П.

Ширингушский р-н.

Од избирательти СССР-нь Верховнай Совету  
выборхнень колга

## Коде обеспечиваются законца прямой выборхне

Сталинский Конституцияса установленнай, што Совету депутатонъ выборхне ашихть прямойкс.

Прямой выборкс считается тяфтама порядок, конанъ пингста каждая избирательсь голосовандай ся али тона кандидатъ инкса, кона кочксеви государственнай властть органонзонды.

СССР-нь од Конституциять введениядонза инголе прямой выборхне миньцонк йотафневсть анычек ошень и велень советтненьди Нат советтненьди депутаттнень кочксець ошень и велень трудяйхне непосредственно синьценъ избирательнай пуромкссост. Вышестоящай Советский органтнень кочкамасна йотафневсь трудяень представительхнень мархта—Советонъ с'ездтнень делегатснон мархта. Ошень и велень советтне кочкссестъ делегатт районнай советонъ с'езду. Районнай Советонъ с'ездсь кочксець районнай исполнительнай комитет и делегатт областной (краевой) Советонъ с'езду. Тяфтама жа порядкаса кочкsevсть вышестоящай властень сембе органтне. Государственной властень выше-

стоящай органкс являлся Советонъ Всесоюзнай с'ездсь, коса кочкsevсь СССР-нь Центральной Исполнительнай Комитетсь.

Тяфтама системанъ выборхне назывались многостепеннайкс. Исторически тя системась эсь значениянц оправдандазе. Аф ваномок соньценъ афсатыксонзонды многостепеннай системанъ выборхне обеспечендакшнесь необходимый живой сотксь советский властень руководящай органонзон трудяй массатнень мархта. Прямой выборхне, кода указывал эсь пингстонза Ленин, тиеньдезь сембе аппаратъ, „дешевайста, подвижнойста, доступнайста рабочайхненьди и крестьянтненьди стама периодста, мзярда эряфсь лакай и требуетсь особенно вишкста иметь возможность отозвать тоньценъ местнай депутаттне али кучемсонъ Советонъ общай с'езду“ (сочинениянзон XXIII томса, 350 страницаса).

Минь странасонк социалистический строить победац, оштъ мархта велеть йоткса сотксть значительнайста кемекстамац, массат-

нень политический активностьсна и культурностьснон касомац максеть возможность тиемс значительнай аськолкс инголи минъ избирательнай системанькенъ демократизациянцы и полафтомс многостепеннай выборхнень прямойса.

СССР-нь од Конституциясь ввела прямой выборхнень и соответственно полафтозень государственнай органтнень строенияснон. Советонъ с'ездтне—районнайхне, областнойхне, республиканскийхне, всесоюзнайхне—сяда ламоксть соизываться аф кармайхть. СССР-са государственнай властень высшай органкс ули аф Советонъ Всесоюзнай с'ездсь, а Верховнай Советсь, конац кочксеви непосредственно населениять мархта. Точно тяфта жа союзнай и автономнай республикатнень эса государственнай властень высшай органтне улихть соответствующай союзнай республиканъ али АССР-нь Верховнай Советтне. Местнай властень сембе органтне тяфта жа кармайхть кочксева непосредственно населениять мархта.

Избирательнай законць (СССР-нь Верховнай Совету выборхнень колга Положениясь) обеспечивает Верховнай Совету прямой выборхнень эряфс йотафтомаснон. Законць устанавливает, што каждая избирательсь голосовандай непосредственно ся али тона кандидатъ инкса кода Союзонъ Совету, тяфта и Национальностень Совету (80-це статьясь).

Сембе представительнай учреждениятненьди прямой выборхне обеспечивают сядя теснай сотк советский властень органтнень трудяй кели массатнень мархта, цебарьста обеспечивают синъ интересснон. Прямой выборхнень пингста избирателень каждой группасъ точнайста सदасы, кинъ сон кочкси, кинъ эзда сон может требовать отчет.

Прямой выборхне облегчают избирателень контроль синъ депутатснон работаснон лангса. А СССР-нь Сталинский Конституциясь (тяфта-жа, кода и советский ингольденъ конституциятне) устанавливает, што депутаттне обязатт отчитываться синьценъ работаснон колга и трудяень Советть депутатзон работаснон колга. Каждая депутатсь избирателень большинствать решениянц коряс может быть любой пингста отозван, кда сон аф пяхкодькшнесы народть волянци.

Интересна отметить, што буржуазнай странаса парламенттнень депутатсна эсь избирательснонды аф подотчетнайхть и аф ответственнойхть синъ инголест. Сяи буржуазнай депутаттне выборда инголе васькафнесазъ народть всякай пустой обещанияса, а выборда меле спокойно юкснесазъ сембе обещанияснон.

(Пец 3 страницаса)



## Комсомолса выборхненъ результатсна

Закрывае (тайнай) голосованиясь кеподезень небывалай высотас комсомолецненъ авторитетсн. Комсомолецне, аф ваномок кодамовок личностень лангс, большевистский критикать вельде тарксесазь комсомолста троцкистско-бухаринский наймиттненъ, буржуазнай националисттненъ, двурушникненъ и лия антипартийнай элементтненъ.

Атиреванъ районца выборхненъ йотафтомаснон пингста ленинский комсомолста ульсь пантьф 19 ломатъ, конатненъ йоткса лама разложившайда, карьеристта, шкурникта и троцкистско-бухаринский агентта. Пантьф лама негоднай руководителхт комсомольский руководящей аппарата.

Няг загившай элементтненъ васте закрытай (тайнай) голосованиясь кочкафт комсомольский руководящей аппарату инь лучшай и работоспособнай комсомолонъ члентне.

Выборнай компанияда меле комсомольский организациятненъ лама да цебарьгадсь работасна. Д Усад велеса выборда инголе комсомольский политшколась пцтай йофси

ашезь работа, од ломаттненъ йоткса кодамовок работа ашезь йотафнев. Тяни тя организацияса комсомольский политшколась работай регулярнайста, афсоюзнай од ломаттненъ йоткса организавандафт общественно-добровольнай организацият (ОСО, МОПР, СВБ и ст. тов).

Б. Дубровка велень комсомольский организацияса цебарьста работай комсомольский политшколась, лучшай стахановкатне и стахановецне сувайхть комсомолу.

Тяни районца аш стама комсомольский организацияса, коса ба афоль работа комсомольский политшколась, аш стама веле, коса ба комсомолецне афсоюзнай од ломаттненъ йоткса афольхть йотафнев работа. Сембе работась комсомольский организациятненъ эса перестраивается ВЛКСМ-нь Х це с'ездть и ВЛКСМ-нь ЦК-ть II-це и III-це пленумонзон решенияснон коряс.

Дм. Родин.

Атиреванъ р-н.

## Курокона машфтомс вредительствать последствиянзон

Зубунъ районца лама комсомольский организациява выборхне йотасть оцю грубай нарушения мархта. Выборнай пуромксса большевистский критика в самокритика ашель. Революционнай бдительностть колга лама комсомольский организациява корхтась кржа. Критикась выборнай пуромксненъ эзга ашезь уль направленной комсомолста троцкистско-бухаринский наймиттненъ лядыкс коряньснон тарксемаснонды.

Леспромхозонъ комсомольский организацияса фкявок вал апакастоль троцкистско-бухаринский гадинатненъ действиснон колга. Жаравонъ комсомольский организацияса выборхне йотасть формальнойста, критикафтома и самокритикафтома.

Нят сембе фактне аф случайнахть, сяс мес райкомть ингольденъ пингонъ секретарец Калядинъ районца комсомольский организациятненъ работаснон калафнезень. Аф случайнахть сяс, мес комсомолонъ райкомса лама пингевязезень эсь подлай тевонзон буржуазнай националистъ Михайловсь, конац злоумышленно йорась калафтомс комсомольский организациятненъ работаснон.

ВЛКСМ-нь райкомть од составонцты эряви сядя курокона карьеромодемс тевти, машфтомс вредительствать последствиянзон и ладямс комсомольский организациятненъ работаснон образцовайста.

К.—Р.

ГТО-нь значекти норманъ максомать.

Ня шитненъ ули организовадафт ГТО-нь значекти массовой норманъ максома.

Я. В.

Рыбкинанъ р-н.

## Кода обеспечиваются законца прямой выборхне

(Пец)

Аньцек Советский Конституциясь представляет избирательхненди права требовать избраннай депутаттненъ кядьста отчет и права отозвать синьценъ депутатснон, кда сон аф пышкедькшнеси синь воляснон. Тя-подлиннай демократиять фкя условия. Кодама ба то афоль уль выборнай учреждения али представителень собрания, — корхнесь Ленин, — может считаться истинно демократическийс и действительно представляющайкс народть волянц аньцек при условии кда признадавихть и применядавихть избирательхненъ отзывать правосна эсь выборнайснонды" (сочинениянзон XXII томса, 92 страницаса).

Ся пингть кода Советский Союзса вводятся прямой выборхне государственнай властенъ сембе органдтненди, капиталистический мирса сядя лама странат кадондсазь прямой выборонъ системать. Прямой выборхне сембеда сидеста

полафневихть вярде чиновникненъ простой назначенияснон.

Фашистский странаса фактически машффт парламентонъ выборностсь. Тяфта, фашистский Германияса келиста практикуется парламентонъ членонъ назначениясь Гитлерть мархта.

Но даже сят капиталистический странатненъ эса, коса нинге сохранились буржуазнай демократиянь остаткатне, прямой выборхне обычно применяются аньцек алудонъ палатать формированияса.

Почти сембе буржуазнай странатненъ эзга парламенттне ашихть кафта палатаста: вярденъ и алудонъ. Алудонъ палатасть эсь составонц коряс является сядя демократическийкс. Вярденъ жа палатати сувсихть исключительно помещикненъ и крупной буржуахненъ представителень.

Францияса вярденъ палатать (сенатть) членонза кочкесихть аф населениять мархта, а специальнай

## Машфтомс самоуспокоенностть

Вов ни ков йотась, кода ульсь выборхне консервной комбинатонъ комсомольский организацияса. Тя пуромксса критикать и самокритикать вельде ульсь лихтьфтлангу организациять работаса сембе афсатыксне. Пуромксса ульсь кочкафт комсомольский комитетти од состав, конатненди илядкшнесь выборда меле работать тиёмс ВЛКСМ-нь Х с'ездть и ВЛКСМ-нь ЦК-ть III пленумонц решениянзон коряс. Но и од комитетсь ашезе цебарьгафта работать.

Комсомольский комитетть секретарец Полянский ялгась выборда меле успокоился и сембе работась моли ингольцет ладса — кальдявста! Тя организацияса тячиень шить самс политшколась работай пяк кальдявста. Партиять историянц основнай моментонзон колга тонафнемаса кружокса квати йотаффт кафта занятия, а политграмотанъ кружоксь фкявок занятия ашезь йотафта. Комсомолецне политзанятиятненди пуромкшнихть, но аш киньди йотафнемс занятиятненъ, сяс мес пропагандистсь сявове ВЛКСМ-нь горкомсь, а лия пропагандист ашезь макс.

ВЛКСМ-нь горкомсь тя организацияти йофси аф лезды. Тя организацияти горкомонъ работникне сашендыхть пяк шуроста, но и сят работникне, конат вестъ-аф вестъ няфтихть пря, но практический лезкс аф макссихть.

Тя организацияса пяк кальдявста ладяф политвоспитательнай работась комсомолецненъ йоткса, а тяфта жа и аф союзнай од ломаттненъ йоткса.

Белов.

## Сьоронъ тьямась моли весяласта

"17 лет октября" колхозса вишкста карьеромодсть сьоронъ скирдованияти и сьоронъ тьяматти.

Тя колхозса обеденнай перерывста йотафневихть громкай читкат, колхозникненди морафнихть газетат и стак тов.

Колхозса улихть музыкальнай инструментт: мандалина, балалайка и лият, конатненъ мархта весяласта йотафневи обеденнай и иляденъ ваймосема пингсь.

Колхозникне оцю мильса морафнезь ВКП(б)-нь обкомть путфисонц



Стирнят, конат састъ В. Хетагуровъ терьдеманц коряс Дальний Востокъ Комсомольск ошу.

Снимкаса: Комсомольскийса машиностроительнай заводса работай стирьхне молихть комсомольский пуромксу, кержи ширеста види шири — Надя Панковась, Вера Кривошеинь, Зина Смыловась и Тося Зарубинась.

Фотось Б. Фишмановъ.

Шайгованъ районца вредительствать колга. Колхозникне приветствовандакшнесазь НКВД-нь боевой органдтненъ и азондкшнихть колхознай спасибя НКВД-нь органдтненъ руководителеснонды, Великой Сталинть саратниконцты Николай Иванович Ежов ялгати.

Максимов.

Шайгованъ р-н.

## Лездомс

## школатненъ эса ремонтонъ тиёмати

Ельникованъ районца лама комсомольский организациява ульсь организовадафт од учебнай кизоти школатненъ анокламаснон колга „Легкай кавалериянь“ рейд.

Рейдсь няфтезе, што районца лама школат од учебнай кизоти ашестъ анокла. Н. Пичингушенский, Алексеевский школатненъ эса тячимс ремонтсь апака уставак. Лама школатненъ эса ученикненди учебникт и письменнай принадлежностть апака аноклакт.

Комсомольский организациятне макссть лезкс сянди, штоба васьфтемс тонафнема кизотъ аноклафста.

С.

(Сявф „Комсомольский правдаста“).



## Мзярда ули ремонтировандаф школась

Булдыгина велень аф полный средний школать беспечнай директоро Кузнецовсь тячиень шить самс тонафнема кизоти йофсикс аф аноклай. Школать ремонттировандамонза нинге ашеть ушед. Велень советонь председателсь Павлуткинць и колхозонь председателсь Косаревсь школав панчсть идень яслят, а школать ремонтонц юкстазь.

Паршин В. Г.

Ширенгушский р-н.

## Аф аноклайхть тонафнема кизоти

Од тонафнема кизоти илядсть аф лама шит, а Алексеевкань велень советсь и школань директорсь школать ремонтонц юкстазь. Школати эряви тиес капиталнай ремонт. Школать кияксонза аф коньдистихть, вальманза аш-голанканза аш. Учебникт рамасть аныцек 1—2—3 группатеньди, а IV и V-це группатеньди аш.

Тячиень шить самс школась атак обеспечендак пенгаса. Велень советсь председателец Голичниковсь и школань заведующайсь Недякинць кодамовок мерат аф примсхть.

Мзярда варжаксты минь школанькень лангс РОНО съ? К. П. Ельниковань р-н.

## Курдашкань школась тонафнема кизоти аф анок

Курдашка велень советсь, астаняжа и начальнай школать заведующаец Дугановась кодамовок мяль аф шарфнихть школать тонафнема кизоти анокламанцты.

Школась атак конопатендак, эрвхть 12 вильмат, 20 партат, голанкат и нинге ашеть уска фкявок усф пенга, аш учебникт и учебнай пособиат.

Атиуревань РОНО-сь тя тевть содасы цебарьста, но йофсикс аф лезды тя школати, штоба анокламс тонафнема кизоти.

Дм. Родин.

Атиуревань р-н.

## Мес Пьянзовсь атак таргак ответс?

Перхляй велеса „1 це пятилетка“ колхозса бывшай завхозсь Ф. И. Пьянзовсь калафтозе колхознай каменный утомть, коза тьялгоба 5000 пудт сыра. Ушнефтезе сарайть, коса кирьнезь колхознай машинатнень. Сонь вредительский работанц сюнеда колхознай сьорось ащи менельть ала.

Надиятама, што райпрокуратурась таргасы Пьянзовть ответс.

Колхозник.

Рузаевкань р-н.

## Аш работа афсоюзнай од ломатьтнень йоткса

Жарав велеса лувондови школьной и производственно-колхознай комсомольский организацият. Арьселеть, што тя велеса аф-оюзнай од ломатьтнень йоткса цебарьста ладяф культ-массовой работась, но аф тяфта ащи тевсь. Аф союзнай од ломатьтнень йоткса общественно добровольнай организацият (ОСО, МОПР, СВЕ) атак организовандак, культурно-массовой работа йоткост аф йотафневи.

В-й.

Зубунь р-н.

## „Н-209“ самолетть вешендемац

Августть 22-це шистонза одукс зарегистрировандаф несколько случай, мзярда афшарькодевиства кулевсь станциясь стама волнаста и срокста, конат характернайхть Леваневский ялгать самолетонцты. Шарькодевь аныцек башка букват.

Стама расчетса, што самолетть эса ванфтовсь целайста приемниксь, полярнай станциятнень эзда ламонь крда шити макссевичхть эфирть вельде сообщениат экипажть

вешемаса примсви мератнень колга.

„Красин“ ледоколсь лиссь стака эйтэ эзда, и тусь запад шири 71-це паралельть эзга „Микоян“ параводть васьфтема, конац уски теен за уголь и йотазе-ни Берингов проливть.

Шевелев ялгать экспедициянц самолетонза августть 22-це шистонза тийсть контрольный полетт и ашеть полный исправностьса. Августть 23-це шистонза тиеви погрузка и каяви горючай. (ТАСС).

## Машковась кяшеньдсы вредительть

Аф кунара стройтрестонь комсомольский организациясь марстонь комсомольский пуромксса обсуждандазе Вайсмантьт комсомолста панеманц колга ВЛКСМ-нь горкомть путфксонц.

Вайсманць кирдьсь кемья соткс народонь врагть Гантманть мархта. Соньць Вайсманць вятьсь производстваса и комсомольский организациясь вредительский работа.

Эряви азомс, што комсомольский пуромксса Вайсмантьт кемоста защищандазе Машковась. Сон йорась доказать, што Вайсманць бта ульсь активнай комсомолец, што сон кодамовок соткс народонь

врагть Гантманть мархта ашезь кирьде и ст. тов.

Арси аф шарькодевикс, кодама основаниянза Машковать ульсь азомс, што Вайсманць ашезь кирьдя соткс народонь врагть Гантманть мархта? Кодама основаниянза ульсь сонь мярьгомс, што Вайсманць чистай и кодамовок вредительский работа производстваса ашезь йотафне?

Машковась лац содасы, што Вайсманць вредительский работанкса максф судс.

Комсомольский организацияти эряви ваномс, кие тя Машковась? Челмакин.

## Сьормас афсодайхнень и сьормас кржа йоткса занятиятне сязьфть

Ельниковань районца тяддень кизоть сьормас афсодайхнень и сьормас кржа содайхнень йоткса занятиятне сязьфть. Лама велеса сьормас афсодайхнень и сьормас кржа содайхнень мархта занятият тячимс атак организовандак.

А вдь районца лувондови сьормас афсодайда и сьормас кржа содайда 4192 ломатьт.

РайОНО-сь сьормас афсодайхнень и сьорма кржа содайхнень йоткса занятиятнень организован-

дамаснон лангс кодамовок мяль аф шарфни.

Нйасак, райОНО-сь надиясь, што сьормас афсодайхнень и сьормас кржа содайхнень йоткса занятиятня ушедьхть атак организовандак, стихийна.

РайОНО-сь содазе, што Пиченгуж велеса сьормас афсодайхнень и сьормас кржа содайхнень йоткса 1937 кизоня пцтай ашеть йотафнев занятият, но кодамовок мерат занятиятнень ладямаснонды ашезь прима.

М. С.

## Вешкинць сязеньдсы сьормас афсодайхнень тонафнемаснон

Зубово-Полянень РОНО-сь нингя июнь ковста Вешкинтьт кучезе Од-Выселкав, штоба ладялезе сон сьормас афсодайхнень йоткса тонафнемать. Вешкинць тячиень шить самс мезевок ашезь тий.

Вешкинць нингя аф содасыне мзяра Од-Выселкаса сьормас афсодайда и сьормас ктржа содайда. Тяфта жа и Вешкинть кржа содаец велеса, сяс мес сон ковонга аф якай и мезевок аф тиеньди.

Сьормас афсодайхненьди ульсь тийф учет нингя 1934 кизоня и

вов Вешкинць шинек—венек ванонды тя учетнай спискат лангс. Стак ащемда пандыхть Вешкинть зарплата. РОНО-сь вестеньга ашезе проверякшне Вешкинть работанц.

А вдь Од-Выселкаса лама од стирьнат—ударницат и лама од цьоравят, конатнень оцю мяльсна тонафнемс сьормас.

Надытама РОНО-ть лангс, што сон шарфты эрвикс мяль тя тевть ширес и ладясы сьормас афсодайхнень йоткса тонафнемать.

И. С. Паршин.

## Ф У Т Б О Л

Август ковть 18-це шистонза Саранский ошень стадионца ульсь йотафть соревнования футболса республикаса первенствать инкса.

Тяса налхксть Саранский ошень „Динамо“ обществать 1-це коман-дац и Ардатовань командась.

Налхкомась ульсь пяк оживленнай сяс, мес „противникнень“ вийсна ульсь фкат.

Зрительне пяк надиякшнеть „Динамо“ обществать 1-це коман-данц лангс. Однако, налхкомань васень-це пяльксь аделавсь 0:0 лувксса.

Налхкомань омбоце пяльксь ушедсь пяк вишкста и васень минутатнень пингста инициативась ульсь Ардатоведень кядьса.

Кеменьшка минутада меле Болдов ялгась Саранскяень командать сеткаста таргазе футболть.

Тяда меле динамовецне ушедсть малхкома сядо оживленнайста, штоба ровняндамс лувксть.

Омбоце пяльксть аделамс илядсь 5-шка минута. Динамовецне футболть панезь сеткат вакс и вишке ударса повфгазь Ардатовань сеткати. Тяфта налхкомась аделась 1:1 лувксса.

И. Белов.

## Испанияса фронттнень эзга

Севернай фронтса республиканский войскактне удачной контратакада меле занязь Ла Крус дель Маркес-ть и мольфтемок наступления, занязь мятежникнень отдельнай позицияснон.

Испанский оборонань министерствась сообщает Сантандерский участкаса воздушнай бойхнень колга, конат успешно развиваются республиканский авиациять пользас. Августть 18-це шистонза шовдава ульсь бой, коса участвовандась республиканский 12 истребительхт и мятежниконь 9 бомбардировщикт и 5 истребительхт. Аф ваномок неприятельть виенц превосходстванц лангс, республиканецненьди удалась страфтомс фашистский 2 самолетт. Фкя самолетсь прась республиканецнень позицияснон лангс.

Августть 18-це шистонза шить республиканский истребительхне кепедьсь мятежникнень самолетснон каршес, конат направлялись Сантандеру. Завязалсь бой, конань пингста мятежникнень самолетсна ульсь обращеннайхть бегствати.

## Китайский народсь героически защищает Шанхайть

Шанхайса молихть упорнай бойхт. Лама пункта японецне ульсь вынужденнайхть потамс. Японецне пытались высадить военной десант Ванну рекать суваманцты и Путун районтьт малас, но китайский артиллериясь ашезевь нолда нят десантнень. Артиллерийский перестрелкат пингста фкя снаряд повсь японский канонеркати.

Августть 19-це шистонза китайский летчикне страфгсть японский 3 бомбардировщикт.

Августть 20-це шистонза шанхай-нанкинский гарнизонтть главнокомандующаец Чжан—Цзи—чжун примазе ТАСС-ть корреспондентонц и лия газетатнень корреспондентонц. Главнокомандующайсь подтвердил сят сведениятнень, што китайский войскактне бойса занязь Уэйсайд пристаньтьт и Шанхайть лама лия ульцязон.

Корреспондентть кизефксонцты, мзярда может улемс разрешеннай Шанхайса тьяниень положениесь, главнокомандующайсь отвечает: „Самай нюрхкяня пингть. Но естественно учемс, што Япониять каршес войнась ули кувака, и может быть, таргави колманья али даже ветя кизот. Тя аф аныцек военной крукеннь мнениясна, но сембе народть мнениця. Во всяком случае времась работай минь инксонок. Может быть, японецненьди удасться фатямс минь территориян-кень эзда кодама нибудь пялькс, но тя аф кармай означать войнаь окончаниянц“.

## Противопожарнай работась атак ладяк

Минь колхозсонок кодамовок мяль аф шарфнихть противопожарнай работать ширес. Тя пингсаш противопожарнай сарай, аш насос, аш боцкати и аш фкявок ведарка.

Кудтнень инголе боцкати ведь мархта аш. Трубатнень мзярдонга аф проверяндакшнесазь. Аношкин

Ковылкинень р-н.  
Самодуровка веле.

Ответ. редакторть инкса П. ГОРЬКАНОВ.

Уполномоч. главлито № Д—93. Заказ № 2545. Тираж 1335.

г. Саранск типография Красный Октябрь.